

15-218/26K-sonli mikroqarz shartnomasi

Chirchiq shaxar

20.02.2026 yil

"VODIY TARAQQIYOT MIKROMOLIYA TASHKILOTI" MChJ (bundan buyon matnlarda "Qarz beruvchi" deb nomlanadi) nomidan 05.01.2026-yildagi №14/K-sonli ishonchnoma asosida harakat qiluvchi "VODIY TARAQQIYOT MIKROMOLIYA TASHKILOTI" MChJ CHIRCHIQ FILIALI boshqaruvchisi Sobirov Azizbek Bahodir o'g'li bir tomondan va kredit oluvchi fuqaro ZAKIROV ISLAMJON G'ULAMJONOVICH (kelgusi matnda "Qarz oluvchi" deb yuritiladi) ikkinchi tomondan ushbu shartnomani quyidagi tartibda tuzdilar:

1. SHARTNOMA MAQSADI

1.1 "Qarz beruvchi" "Qarz oluvchi"ga umumiy summasi 15 000 000,00 (O'n besh million so'm 00 tiyin) miqdorida yillik 49 (Qirq to'qqiz) foiz (o'zgarmas foiz stavkasida) ustama to'lash sharti bilan 18 oy muddatga ya'ni 20.02.2026 yildan 20.08.2027 yilgacha o'z ehtiyojlari uchun mikroqarz beradi.

1.2 "Qarz beruvchi" mikroqarz amalda berilgan kundan uning qoldig'iga bir yilda 365 kun (kalendar yili 366 kundan iborat bo'lganda 366 kun) hisobidan yillik 49% (Qirq to'qqiz) foiz (o'zgarmas stavkada) ustama hisoblaydi. Hisoblanadigan foiz va neustoyka (shtraf, penya)lar yillik qarz summasining yarmidan ko'p bo'lmagan miqdorda hisoblanadi.

1.3 "Qarz oluvchilar" ushbu mikroqarzdani u bo'yicha to'lovlarni amalga oshirish, muddatida qaytarish tamoyillariga amal qilgan holda foydalanish majburiyatini oladi.

1.4 Ushbu kelishuvni bajara turib "Qarz oluvchilar" mazkur shartnomaning ahamiyatini va uning yuridik oqibatlarini to'liq tushunadi, shuningdek, shartnomani tuzishda aldov, adashish, majburlash, tahdid kabi holatlar ta'sirida emasligini tasdiqlaydi.

1.5. "Qarz oluvchi" mikroqarzni ushbu shartnomaning ajralmas qismi hisoblanuvchi to'lov jadvallariga muvofiq o'rnatilgan miqdor, tartib va muddatlarda qaytaradi. To'lov jadvallari diffirensial usulda tuziladi.

1.6. Mikroqarz asosiy qismi, unga hisoblangan foizlar hamda neustoyka (shtraf, penya)lar "kreditning to'liq qiymati"ni tashkil etadi.

2. QARZ BERUVCHINING MAJBURIYATI

2.1 "Qarz beruvchi" ushbu shartnoma imzolangandan so'ng 30 kundan kechiktirmasdan ushbu shartnomaning 1.1. bandida ko'rsatilgan miqdordagi pul mablag'ini "Qarz oluvchi"ga berish;

2.2. "Qarz oluvchi"ga qarz berish va hisob-kitoblar masalalari bo'yicha me'yoriy hujjatlarda o'zgartirishlar haqida xabar berish;

2.3. Mikroqarz to'lovlari bo'yicha nizolar paydo bo'lgan taqdirda, mazkur nizoni sudgacha hal etish maqsadida mikroqarzni muddatidan oldin undirish sabablari va ko'zda tutilgan chora-tadbirlari haqida "Qarz oluvchi"ni talabnoma yoki ogohlantirish yuborish orqali xabardor qilish;

2.4 Kreditni muddatidan oldin so'ndirganligi uchun jarima sanksiyalarini qo'llamaslik.

3. QARZ OLUVCHINING MAJBURIYATI

3.1 "Qarz oluvchi" "Qarz beruvchi"ning birinchi talabi bilanoq kerakli hujjatlarni, shuningdek uning moliyaviy ahvoli va to'lovga layoqatliligi to'g'risidagi ma'lumotlarni mikroqarzdani foydalanish davri davomida ham taqdim etishi shart.

3.2 "Qarz oluvchi" "Qarz beruvchi"ga mazkur shartnoma shartlari asosida taqdim qilingan hujjat va ma'lumotlarga kiritilgan o'zgarish va qo'shimchalar (yashash manzili, bank rekvizitlari, telefon raqamlar) haqida o'zgarishlar ro'y bergan sanadan boshlab 3 (uch) kun muddatda ma'lum qilishi, shuningdek, mikroqarzni berish shartlariga bevosita ta'sir qiluvchi har qanday holat va ma'lumotlar haqida "Qarz beruvchi"ni zudlik bilan xabardor qilishi shart.

3.3 Mikroqarzdani foydalanish jarayonida kreditlashning asosiy tamoyillari: muddatlilik,

qaytarishlilik, to'lovlilik va ta'minlanganlik talablariga qat'iy rioya qilish;

3.4. Qarz yuki ko'rsatkichlari o'zining o'rtacha oylik daromadining 50 foizidan oshib ketgan xollarda boshqa tijorat banklari hamda boshqa kredit tashkilotlaridan kredit va qarz olmaslik, uchinchi shaxslarning kreditorlari oldida kafil bo'lmalik;

3.5. O'z majburiyatlarini bajara olmasligiga olib kelishi mumkin bo'lgan yengib bo'lmaz kuch ta'siridagi vaziyatlar va boshqa holatlar yuz berishi, ishini yo'qotish, o'ziga bog'liq bo'lmagan sabablarga ko'ra ish haqi va boshqa turdagi daromadlarni kechikishi, sog'lig'ining yomonlashganligi natijasida daromadlarining tushib ketishi kabi holatlar yuz berganda "Qarz beruvchi"ni ushbu haqida xabardor qilish;

3.6. Mikroqarzni asosiy qismi yoki uning foizlari muddatida to'lanmagan taqdirda qarzдорlik "Qarz oluvchi"ga tegishli barcha plastik karta, omonat va boshqa hisobvaraqlaridan so'zsiz (akseptsiz) tartibda memorial order, to'lov talabnomasi yoki "Avtoto'lov" tizimi orqali undirib olinishiga o'z roziligini berish;

3.7. "Qarz oluvchi" – jismoniy shaxs sud qaroriga ko'ra muomalaga layoqatsiz yoki cheklangan layoqatli deb topilgan taqdirda, uning vasiysi yoki homiysi zudlik bilan mikroqarz bo'yicha qarzдорlikni, amalda foydalanilgan muddat uchun hisoblangan foiz-penyalarni to'liq to'lashi shart.

3.8. "Qarz beruvchi" tomonidan mazkur shartnoma muddatidan oldin bir tomonlama bekor qilinganda, "Qarz oluvchi" mikroqarzning butun summasini, u bo'yicha hisoblangan foizlari bilan birga muddatidan oldin qaytarishga majbur.

3.9. "Qarz oluvchi" "Qarz beruvchi"ning garov ta'minotini almashtirish yoki qo'shimcha turini taqdim etish haqidagi talabini mazkur shartnomaning 4.7-bandida nazarda tutilgan holatlar ro'y berganda bajarishi shart.

3.10. "Qarz oluvchi" o'ziga tegishli barcha shaxsiy (Kafilni xam) bank kartasini mikromoliya tashkilotining "Avtoto'lov" xizmatiga ulash;

3.11. Kredit to'lovlari Avtoto'lov xizmati orqali amalga oshirilganda, Avtoto'lov xizmat haqqi mijoz tomonidan to'lanadi.

3.12. "Qarz oluvchi" "Qarz beruvchi" tomonidan taqdim etilgan kreditdan quyidagi maqsadlarda foydalanmaslik majburiyatini o'z zimmasiga oladi:

- Qurol va o'q-dorilarni ishlab chiqarish yoki ularning savdosi bilan shug'ullanish;
- Radioaktiv materiallarni ishlab chiqarish, bundan meditsina va maxsus o'lchov asboblari mustasno;
- Alkogol va tamaki mahsulotlarini ishlab chiqarish;
- Qimorxona, kazino va shunga o'xshash tavakkalchilikka asoslangan o'yin faoliyat turlari bilan shug'ullanish;
- Majburiy mehnat va bolalar mehnatidan foydalanish;
- Yo'qolib ketayotgan yovvoyi hayvonlar va o'simliklar yoki ulardan tayyorlangan tovarlar bilan savdo qilish;
- O'zbekiston Respublikasining amaldagi qonun hujjatlariga asosan ta'qiqlangan boshqa barcha maqsadlar.

4. QARZ BERUVCHINING HUQUQLARI

4.1 "Qarz beruvchi" mazkur shartnomada nazarda tutilgan asoslar mavjud bo'lsa, Qarz oluvchiga mikroqarz berishni to'liq yoki qisman rad qilishga va shartnomani muddatidan oldin bir tomonlama bekor qilishga haqli.

4.2 Sug'urta hodisasi yuz berganda foyda oluvchi "Qarz beruvchi" hisoblanadi.

4.3 "Qarz oluvchi"ning qarz yuki ko'rsatkichi o'rtacha oylik daromadining 50 foizidan ortiq bo'lganda kredit ajratilishini rad etish;

4.4. Quyidagi xollarda, mikroqarz bo'yicha asosiy qarzni va foizlarini muddatidan oldin, jumladan undiruvni kredit ta'minotiga qaratish orqali undirib olish talabi paydo bo'ladi:

- a) qarzдорlik garov ta'minoti miqdoridan oshib ketganda;
- b) muddati o'tgan qarzдорlik va muddatida to'lanmagan foizlar vujudga kelsa;
- c) qonunchilikda belgilangan tartibda "Qarz oluvchi" to'lovga qobiliyatsiz, muomalaga layoqatsiz yoki cheklangan layoqatli deb topilsa;
- d) "Qarz beruvchi"ga shartnomaning 3.1. bandida nazarda tutilgan hisobotlar va ma'lumotlar o'z vaqtida taqdim qilinmasa, shuningdek moliyaviy-xo'jalik faoliyati va daromadlari to'g'risidagi hisobotlarda

noto'g'ri ma'lumotlar hamda qalbakilashtirish holatlari aniqlansa;

e) "Qarz oluvchi" tomonidan mazkur shartnoma shartlari bajarilmasa, shuningdek ushbu mikroqarzni boshqa shaxs ishlatganligi aniqlansa;

f) Qonunchilikdagi o'zgarishlar tufayli yoki litsenziya beruvchi tashkilotning talabi bilan "Qarz beruvchi" ning moliyaviy xizmat ko'rsatish huquqini beruvchi litsenziyasi to'xtatilganda "Qarz beruvchi" "Qarz oluvchi"dan mikroqarzning butun summasini, u bo'yicha hisoblangan foizlari bilan birga muddatidan oldin qaytarishni talab qilishga;

4.5. Shartnomaning amal qilishi davomida "Qarz beruvchi" "Qarz oluvchi"ning moliyaviy ahvolini tekshirishga va "Qarz oluvchi" tomonidan zimmasiga olingan majburiyatlarning bajarilishini nazorat qilishga haqli.

4.6. Mazkur shartnoma bo'yicha ta'minot majburiyati sifatida "Qarz oluvchi" yoki uchinchi shaxs tomonidan qo'yilgan garov mulkidan foydalanishi va talab darajasida saqlanishi yuzasidan tekshirishlar o'tkazish.

4.7. "Qarz oluvchi"ning moliyaviy ahvoli yomonlashganligi sababli shartnoma bo'yicha majburiyatlarni bajara olmasligi yoki garovga qo'yilgan mulkning nobud bo'lganligi, unga shikast yetkazilganligi aniqlansa, "Qarz beruvchi" "Qarz oluvchi"dan qo'shimcha garov ta'minotini yoki uni boshqasiga almashtirishni talab qilishga haqli.

4.8. Qaytarilishi lozim bo'lgan mikroqarzning garov ta'minoti haqiqatdan mavjudligini "Qarz beruvchi" "Qarz oluvchi"ni ogohlantirmasdan tekshirishga haqli.

4.9. Agar mikroqarz shartnomasining shartlari qarz oluvchi tomonidan buzilsa, 8.2-bandda ko'rsatilgan garov ta'minoti mikromoliya tashkilotining talabi asosida belgilangan tartibda, zarur hollarda sud qarori asosida yoki qonunchilikda nazarda tutilgan boshqa qonuniy vositalar orqali undirib olinadi.

5. MIKROQARZ OLUVCHINING HUQUQLARI

5.1 Kreditlash bilan bog'liq hamda mikroqarz bo'yicha barcha hujjatlardan ko'chirmalar, ma'lumotlar olish;

5.2. Kreditlash jarayonida yoki shartnoma tuzilgandan keyin, lekin, mikroqarz qarzdorning arizasiga asosan tegishli hisobvaraqa o'tkazib yoki kassadan berilgunga qadar "Qarz oluvchi" mikroqarz olishdan bepul asosda voz kechish;

5.3 Kreditni muddatidan oldin to'liq so'ndirish, bunda kredit muddatidan oldin so'ndirilganligi uchun jarima sanksiyalari qo'llanilmaydi.

6. TOMONLARNING JAVOBGARLIGI

6.1 "Qarz oluvchi" mikroqarzni, xamda unga hisoblangan foizlarni o'z vaqtida to'lash bo'yicha o'ziga yuklatilgan majburiyatlarni bajarmasa yoki yetarli darajada bajarmasa har bir kechiktirilgan kun uchun muddatida to'lanmagan asosiy qarz va foiz summasining 1 (Bir) foizi miqdorida penya to'laydi. Bunda jami hisoblangan penya miqdori muddati utgan asosiy qarz va foiz summaning 50 (ellik) foizidan ortiq bo'lmasligi lozim.

6.2. Jarima sanksiyalarini to'lash "Qarz oluvchi"ni mazkur shartnomada nazarda tutilgan majburiyatlarni bajarmaslikdan ozod qilmaydi.

6.3. Tomonlarning ushbu shartnomada ko'zda tutilmagan javobgarliklari O'zbekiston Respublikasining amaldagi qonunchiligi asosida belgilanadi.

6.4. "Qarz beruvchi" "Qarz oluvchi"ni shartnomani muddatidan oldin to'xtatish niyati to'g'risida shartnomaning muddatidan oldin bekor qilinishi va mikroqarz summasining so'ndirilishi haqida yozma talabnoma taqdim etgunga qadar kamida 5 kun oldin xabardor qiladi.

6.5. "Qarz beruvchi" ushbu shartnomaning 2.1 bandidagi majburiyatini o'z vaqtida bajarmagan taqdirda, kechiktirgan xar 1 (bir) kun uchun "Qarz oluvchi"ga kechiktirilgan pul mablag'ining 0,1 foiz miqdorida penya to'lash;

6.6. Kredit buyurtmalarini ko'rib chiqish, ssuda hisobraqamlariga xizmat ko'rsatish, kreditlar ajratish uchun to'lovlar, shuningdek, jismoniy shaxslar va kichik tadbirkorlik subyektlari tomonidan kreditlar (mikroqarzlarni) muddatidan ilgari uzilganligi uchun komissiya va neustoyka (shtraf, penya)

undirilmaydi.

6.7. Mikromoliya tashkiloti sud organlariga murojaat qilgandan keyin “Qarz oluvchi” tomonidan mikroqarz bo’yicha muddati utgan qarzdorlikning to’lanishi “Qarz beruvchi”ning mikroqarz bo’yicha qarzdorlikni muddatidan avval undirish, shu jumladan undiruvni garovdagi mol-mulkga qaratish yo’li bilan undirish huquqidan mahrum qilmaydi.

7. SHARTNOMANING AMAL QILISH SHARTLARI VA MUDDATLARI

7.1 Shartnoma imzolanganidan so’ng va garov ta’minoti bo’yicha barcha hujjatlar taqdim qilingandan so’ng kuchga kiradi. “Qarz oluvchi” mikroqarz, hisoblangan foiz, penyalar va boshqa pullik to’lovlarni to’liq to’lagan kundan shartnomaning amal qilish muddati tugagan sana hisoblanadi.

7.2 Shartnoma tomonlarning roziligi bilan o’zgartirilishi mumkin. Barcha o’zgarish va qo’shimchalar yozma ravishda tomonlar imzolagan qo’shimcha kelishuv asosida amalga oshiriladi.

7.3 “Qarz oluvchi” tomonidan amalga oshiriladigan to’lov summasi kredit bo’yicha majburiyatlarni bajarish uchun yetarli bo’lmasa, kredit bo’yicha to’lovlar quyidagi navbatda qoplanadi:

asosiy qarz bo’yicha muddati o’tgan qarzdorlik va muddati o’tgan foiz to’lovlari mutanosib ravishda;

joriy davr uchun hisoblangan foizlar va joriy davr uchun asosiy qarz bo’yicha qarzdorlik;

neustoyka (jarima va penya);

“Qarz beruvchi”ning qarzdorlikni uzish bilan bog’liq bo’lgan boshqa xarajatlari.

8. MIKROQARZ TA’MINOTI

8.1 Garov mulki bo’yicha garov reestriga yozuvlar kiritiladi va garov mulkiga nisbatan taqiq qo’yiladi.

8.2 Qarz oluvchi ushbu shartnoma bo’yicha majburiyatlariga solidar tartibda javobgar hisoblanadi.

8.3 O’zbekiston Respublikasi Fuqarolik kodeksining 277-moddasi 2-bandiga muvofiq garov narsasidan foydalanish va uni tasarruf etish "Agar qonunda yoki shartnomada boshqacha tartib nazarda tutilgan bo’lmasa va garovning mohiyatidan anglashilmasa, garovga qo’yuvchi faqat garovga oluvchining roziligi bilan garov narsasini boshqa shaxsga berishga, uni ijaraga yoki bepul foydalanish uchun boshqa shaxsga topshirishga yoxud uni boshqacha tarzda tasarruf etishga haqli";

8.4 Kafillik shartnomasi mikromoliya tashkilotining ichki me’yoriy hujjatlariga asosan rasmiylashtiriladi.

9. BOSHQA SHARTLAR

9.1. Mikroqarz shartnomasining shartlariga qarzdorning huquqlarini cheklanishiga va majburiyatlarini oshirilishiga olib keluvchi o’zgartirishlarni bir tomonlama kiritilishiga yo’l qo’yilmaydi.

9.2. “Qarz oluvchi” “Qarz beruvchi” ning oldindan yozma roziligini olmasdan turib o’z majburiyatlari va huquqlarini uchinchi shaxslarga o’tkaza olmaydi.

9.3. Lozim xollarda, ushbu shartnomaning shartlariga o’zgartirish kiritish yoki uni bekor qilish qo’shimcha kelishuv tuzish orqali amalga oshiriladi. Mazkur shartnomaga kiritiladigan har bir o’zgartirish va qo’shimchalar yozma ravishda tuzilib, tomonlar imzolaganidan so’ng haqiqiy hisoblanadi. Barcha o’zgartirish, qo’shimchalar va ilovalar mazkur shartnomaning ajralmas qismi bo’lib hisoblanadi.

9.4. Ushbu shartnoma tomonlarning xohishiga ko’ra muddatidan oldin bekor qilinganida “Qarz oluvchi” mikroqarz bo’yicha asosiy qarz va hisoblangan foizlarni to’liq qaytarishi shart.

9.5. Ushbu shartnomada ko’zda tutilmagan holatlar bilan bog’liq barcha munosabatlar O’zbekiston Respublikasining amaldagi qonunchiligi bilan tartibga solinadi.

9.6. Tomonlarning manzillari o’zgargan xollarda 10 kalendar kun ichida albatta bir-birlarini yozma ravishda xabardor qilishlari shart.

9.7. Ushbu shartnoma har bir tomon uchun bir nusxadan bir xil yuridik kuchga ega bo’lgan ikki nusxada tuziladi.

9.8. Ushbu shartnoma bo’yicha taraflar o’rtasida vujudga kelgan barcha nizolar muzokaralar o’tkazish yo’li bilan hal qilinadi. Ana shunday kelishuvlar orqali yechilmagan nizolar amaldagi qonun hujjatlarida belgilangan sud tartibida hal qilinadi.

9.9. Ushbu shartnomada belgilab o'tilmagan barcha masalalar O'zbekiston Respublikasining amaldagi qonunchiligiga muvofiq hal etiladi.

9.10. "Qarz beruvchi" va "Qarz oluvchi" bir birlari bilan shartnoma yuzasidan xar qanday aloqa vositalari (telefon, pochta, elektron pochta va x.k) orqali bog'lanishlari mumkin.

10. TOMONLARNING REKVIZITLARI

Qarz beruvchi: "VODIY TARAQQIYOT MIKROMOLIYA TASHKILOTI" MChJ CHIRCHIQ FILIALI Manzili:Toshkent viloyati Chirchiq shaxar A.Navoiy 225-uy 20216000100392072002 MFO:00401 STIR:303056949 Aloqa markazi: +998 55 903 10 00 www.vodiytaraqqiyot.uz Boshqaruvchi: _____ Sobirov Azizbek Bahodir o'g'li m.o'	Qarz oluvchi: √ _____ ZAKIROV ISLAMJON G'ULAMJONOVICH (Pasport ma'lumotlari AB 4513962 21.07.2016 yilda Andijon viloyati Jalaquduq tumani IIB tomonidan berilgan.) JSHSHR:31911901330085 Telefon:+998900107990
--	---

(shartnoma shartlari bilan batafsil tanishib, bir nusxa olganligingizni yozma tasdiqlab imzo qo'ying).